


# “Zambak”

List učenika Osnovne škole  
“Mehmed-beg Kapetanović Ljubušak”

GODINA XXI, BROJ 38, DECEMBAR/PROSINAC 2017.



Rijad Muhović, VI-2




### **Redakcija:**

Hota Tajra, Fočo Ayman, Buljubašić Ayman, Hasanović Vedad, Barić Đuzela, Čusto Hamza, Bećarević Tarik, Smailagić Naila, Rašidović Armela, Barić Lejla, Biogradlić Zara, Babačić Lejla, Babačić Ilma, Selimović Ena, Kasapović Nejla, Skopljak Nejla, Alilović Semiha, Alilović Semija, Huremović Lejla, Babačić Adna, Tihić Nedim, Dalipagić Sulejman, Babajić Lukman, Huseinović Muhamed, Adilović Lamija, Bibić Elma, Sultanović Lajla, Omeragić Adna, Selimbegović Sarah, Muhović Rijad.

Uređuju učenici s Behdijom Mustafić, nastavnicom Bosanskog, hrvatskog, srpskog jezika i književnosti i Sabinom Efendić, profesoricom razredne nastave.

Pratite nas i na našoj web adresi:  
[www.osmbklj.edu.ba](http://www.osmbklj.edu.ba) te na Facebook stranici škole



## Prijem prvačića



obezbijedio je ruksake sa školskim priborom za sve nove đake prvake. Lijepom pjesmom i recitacijama, poželjeli smo im dobrodošlicu, zajedno s učiteljicama Mujezinović Muneverom i Šabotić Larisom.

Kad je zazvonilo prvo školsko zvono, u septembru su u školske klupe sjeli novi đaci-prvačići. Da bi im prvi dan škole ostao u lijepom sjećanju, potrudili smo se i priredili priredbu, samo za njih. I ove godine, načelnik Općine Centar



## Dan prvačića

Prvačići osnovnih škola Općine Centar proslavili su svoj dan, kao i prethodnih godina, na stadionu "Asim Ferhatović Hase". Odjeveni u boje svojih škola, sa balonima i pjesmom, radosno kreću stazama znanja i školskim životom.



Podršku sa tribina imali su od starijih učenika svojih škola. Naši prvaci su se zabavili na zelenom terenu sa svojim učiteljicama, Mujezinović Muneverom I Šabotić Larisom.

## Dan učitelja

Ponovo smo obilježili 5. oktobar-Dan učitelja. Prigodne čestitke su nam priredili članovi sekcije Očuvanje kulturne baštine.



## Oktoibar- mjesec knjige

Književno veče ove godine bilo je posvećeno liku i djelu Alije Isakovića. Pjesma Alekse Šantića "Što te nema" izvedena je uz vokalnu pratnju. Dramska sekcija je izvela insert iz Isakovićeve drame „Hasanaginica“ a članovi Recitatorske sekcije nižih razreda su govorili poeziju iz knjige „Zemlja dobrih Bošnjana“ Velimira Miloševića.



U drugom dijelu priredbe smo slušali i gledali video-prezentaciju „Bosna i bosanski jezik kroz historiju – Od Kulina bana do danas“.



## Dan jabuke

Brojnim aktivnostima obilježili smo 20. oktobar –Dan jabuke. Učenici II-1 razreda ugostili su svoje drugare iz prvog razreda i produženog boravka i počastili ih domaćim kompotom od jabuka.

Realizovana je i akcija uređenja školskog dvorišta. Učenici svih odjeljenja proveli su jedan čas u prirodi i učinili naš školski ambijent još ljepšim i urednijim. Sakupljen je otpad i mnogobrojno lišće koje su kasnije odvezli radnici JKP "Park" zahvaljujući angažmanu naših roditelja.

## Novo igralište


U okviru projekta „Jesi li za basket“, koji realizira istoimeno Udruženje u saradnji sa Općinom Centar, krajem septembra 2017. godine otvoren je osmi obnovljeni teren za basket. Naša škola sada ima kvalitetno i moderno školsko dvorište, s novim koševima ali i golovima za fudbal. Dostupno je dvorište svim



učenicima naše škole, kako za školska takmičenja, tako i za vannastavne aktivnosti.

## Volontiranje je cool - Posjeta staračkom domu

Naši volonteri posjetili su Gerontološki centar u Nedžarićima i obradovali prehrambenim i higijenskim sredstvima najstarije stanovnike našeg grada. Zahvaljujući velikom odzivu roditelja i učenika, posjeta je bila izuzetno uspješna. Vratili su se dirnuti, ali i sretni, jer sreća je najveća onda kada usrećimo druge.



## Posjete



Učenici V-1 posjetili su Zemaljski muzej odakle su ponijeli vrijedne uspomene.

## Muzej ratnog djetinjstva

Učenici IV-1 i IV-2 obišli su Muzej ratnog djetinjstva.

Ovaj muzej otvoren je u januaru 2017. godine. U njemu je predstavljena kolekcija ličnih predmeta, priča, audio i video svjedočenja, fotografija, pisama,

crteža i drugih dokumenata koji govore o odrastanju u ratu.



## “Put do čarolije”

U okviru obilježavanja Dječije nedjelje pod motom “Sretan ćeš biti, svijete, kad usrećiš dijete”, naši učenici imali su priliku pogledati zanimljivu predstavu “Put do čarolije”. I ovaj put, domaćin predstave bio je Centar za kulturu Jelićeva.



## Izleti

Naša škola nastavlja tradiciju obilazaka naših gradova... Ovaj put, s nastavnicama Jasminom Kazija i Lejlom Aličić, posjetili su Franjevački samostan u Fojnici. Na putu prema Fojnici imali su kratku pauzu u Kiseljaku, gdje su se učenici mogli napiti sa izvora kisele vode ali i čuti nešto više o pogonu Sarajevskog kiseljaka.







U Fojnici su posjetili Franjevački samostan gdje ih je kustos poveo u obilazak muzeja, biblioteke i galerije slika u samostanu. Zatim u su bili u Hadžimuharemovoj džamiji, poznatijoj kao Djevojačka džamija, te u Reumalu.



## Radionice

Tradicionalno, naši novembra s Lejlom Aličić "Alija Izetbegović". Muzeja i ove prethodnih, radionici. Učenici su tako da vjerujemo da će



učenici su krajem nastavnicom posjetili Muzej Pored obilaska godine kao i učestvovali su u bili vrlo kreativni biti nagrada i ovaj put.

## 25. novembar - Dan državnosti

Svečanom priredbom obilježen je Dan državnosti BiH. Vrijedni učenici i nastavnici pripremili su bogat



kulturno-zabavni program, a veliki broj roditelja našao se u publici i uživao u tačkama naših sekcija. Dostojanstveno i veličanstveno obilježen je 25.novembar.



## Takmičenje

04. novembra 2017. godine održano je XXII Općinsko takmičenje iz programa „Upozoravanje na opasnost od mina“ za učenike osnovnih škola Općine Centar. Našu ekipu činili su učenici VII razreda: Šečić Selma, Bećarević Kemal, Vujići Ensar, Halilović Zara (rezervni član). Ove godine smo osvojili visoko IV mjesto, ali nažalost, to nije bilo dovoljno za plasiranje na Kantonalno takmičenje. Čestitamo našim vrijednim učenicima i nastavnici Emini Smailbegović.



## LITERARNI KUTAK

### Knjiga

Ima jedna knjiga  
Svako dijete želi da je čita  
I za nju svako pita.

Ona je jedinstvena  
Nju želim da imam ja  
Svaku noć i svaki dan  
Samo o njoj sanjam.

Ima prelijepa šljokice  
I prelijepa cvjetove  
Mamu pitam da mi je kupi  
I jedva čekam da je čitam.

**Lejla Barić IV-2**

### Jesen

Ljeto prođe, jesen nam dođe  
Dolaze kiše i još puno više.

Opada lišće krasni su podovi  
Još malo i dođu nam plodovi.  
Spremaju se kišobrani  
Jer nam stižu kišni dani.  
Džemovi se mute,  
A kukuruži u polju žute.  
Voće sazrijeva a povrće dozrijeva  
Jesen traje i ima puno dječije graje.

**Tarik Bećarević i Naila Smailagić IV-2**

**Arman Bužimkić III-1**



## Moja domovina

Moja domovina, Bosna i Hercegovina kroz historiju prošla je mnogo. Pokušavali su da je osvoje i pokore...vjеровatno zbog njenih prirodnih ljepota: rijeka, jezera, planina, šuma...Sve je bilo uzalud. Narod ju je uvijek srčano branio i odbranio svoju domovinu jednu, i jedinu Bosnu i Hercegovinu.

Posljednji rat koji i moji roditelji pamte odnio je mnogo nevinih života, posebno dječijih. Mama mi kaže da je samo u Sarajevu za četiri godine ubijeno 1. 601 dijete. Hiljadu i šesto jedno, naglašava, slovom i brojem kada se napiše izgleda zastrašujuće! Kada samo pomislim da su ta djeca danas trebala i mogla biti uspješni ljudi, matematičari, sudije, ekonomisti...možda umjetnici? Imati suživot s drugima i svoje porodice i uživati u životu. Učiti ih njihovim pravima, o suživotu s drugima i drugačijima, baš kao što mene roditelji uče. Nažalost, oni danas nisu tu, ali njihova generacija, među kojima su i moji roditelji, ne daju zaboravu. Zato nas danas uče da budemo spremni braniti svoju domovinu, ali ne ratovanjem, već znanjem. Samo tako naša zemlja može i mora opstati. S mladim, pametnim i uspješnim ljudima koji će svoje znanje utkati za dobrobit Bosne i Hercegovine.

Kroz obrazovanje naučimo dosta toga o našoj historiji i o tome ko smo i šta smo mi. Tada nemamo stida ni pred kim u svijetu govoriti o tome kako je nastala naša zemlja. A u današnjim granicama postoji već preko 300 godina i da ima i onu ljepšu stranu od ratne: svoje banove, kraljeve, kraljice, pismo bosančicu, jezik-bosanski, grb i zastavu, srednjovjekovne gradove, olimpijadu, nobelovca, oskarovca pa čak i dva Medvjedazlatnog i srebrenog! I možda ono najvažnije, zapanjujuću ljepotu zemlje. Moja domovina je ponosna jer je njen narod gostoljubiv, srdačan. Naravno, ima i nas mlade, koji želimo da bude još ljepša i bolja. Zato se trebamo truditi, marljivo učiti i obrazovati, jer domovinu jednu imamo, a ona se, prije svega, gradi i brani znanjem. Svi u Bosni i Hercegovini se ponosimo svojom domovinom kao što se ponosimo svojom majkom. Zato, moja domovino, želim da se i ti sutra ponosiš nama. Naše generacije žele isto, bolje i sigurnije sutra. Na ovu temu ne smijemo staviti tačku jer se o našoj lijepoj domovini može pisati danima, godinama, vijekovima. Sve njene ljepote se ne mogu tako nabrojati, a ono što se osjeća u srcu ne može se opisati. Moja domovina je posebna i neistražena do kraja u svojim bogatsvima, ljepotama.

**Adna Ramović IX-2**

### **Moja domovina**

25. novembar je Dan domovine naše  
Svake godine ga proslavljamo  
Za dobro sutra moje i vaše.

Nikad je neću voljeti prestati  
Samo mogu tako u njoj uživati,  
Jer Bosna je jedna, jedina moja domovina.

Turisti je hvale, ljepotama njenim se dive  
Uvijek kad mogu nju ponovo posjećuju  
A još oni vide da Bosna ima-čestite i dobre ljude.

### **Muhamed Huseinović VI-2**

#### **Prijatelj**

Pazi na mene kao i ja na nju  
Rana kad me boli, ona je tu  
Išle smo svugdje zajedno mi  
Ja je volim, vole je baš svi.  
A kad sam sama, ona odmah dođe  
Tada se mi igramo i sa mnom u školu  
pođe.  
E kad je raspust, družimo se ja i ona  
Ljubav je naša teška puno tona.

#### **Naila Smailagić IV-2**

#### **Prijateljstvo**


Kad u školu krenemo mi,  
Prijatelja puno imamo svi.  
  
Sretni, razigrani, veseli,  
Uvijek za druženje raspoloženi.

Složni smo i sretni  
U našoj školi mi.

Dodite i s nama se družite i veselite!  
U školi našoj sreću dijelite!

#### **Semiha Alilović VI-2**

#### **Amina Korman VI-2**



## **Moja škola**

U mojoj školi ja rado učim  
Al se nikad ne namučim.

U mojoj školi sretni smo mi  
Volim o njoj lijepo da govorim.

U mom razredu sretni smo svi  
Posebno kad je bosanski.



**Kovačević Andrea I-1**

Uvijek sretno čekam novi dan  
I ponovo u školi sam vesela ja.

**Lejla Huremović VI-2**

**Sarah Sadžak III-1**



## **Moja učiteljica**

Kada uđe u razred,  
Obasja nas kao sunce  
I grije nas žarom  
skrenoga srca,  
Svima nam je majka  
I najbolja drugarica  
Naša voljena učiteljica.

**Zara Biogradlić IV-2**

## Sreća

Naša sreća od mora je veća  
Kad smo u školi, razigrani, raspjevani.

U školu sretni uvijek želimo doći  
Učiti se, igrati, te kući zadovoljni se vratiti.

Ko u školi pažljivo sluša, na času i uči,  
Ima više slobodnog vremena kući.

U školi redovno učimo bez dilema  
I budućnost će naša biti bez problema.

Možemo željenu školu upisati  
I ono što u budućnosti maštamo, postati.

**Babajić Lukman i Huseinović Muhamed VI-2**

## Porodica

Porodica je kad si za nju tu  
Ona tebe voli kao i ti nju.  
Računaj na nju kad si sam  
Ona tebe čuva, to ja dobro znam.  
Draga je, fina ima mnogo sreće  
I kad si sa njom veselje ti je preče.  
Cijelo brdo sreće ti je u kući,  
A baš si sretan jer te ništa ne muči.

**Naila Smailagić IV-2**



**Azra Osmanbegović II-2**



## **Dedina i nanina soba**

Ljeto je. Uvijek se radujem odlasku kod nane i dede. Žive na selu. Dođosmo, a dedo i nana nas dočekaše sretni ispred kuće. Uđosmo. Sjeli i pričamo o životu. To su i naše uspomene sa sela.

Poslije odoše napolje. Nastaviše razgovor, a ja odlučih obići dio njihove kuće. Najzanimljivija je nanina i dedina soba. Vrata njihove sobe su drvena i stara, sa malim, mutnim prozorom pri vrhu.

Ulazim u u sobu. Vidim veliki krevet. Vraćaju se uspomene. Čini mi se da je stalo vrijeme. Ništa se nije promijenilo. U sobi su dva mala prozora. Na njima se poigravaju ljubičasto- bijele zavjese. A desno od prozora je zanimljiv ormar.

Velika komoda je tu. Dobili su je za poklon. Na nju su smjestili razne njima drage i bitne predmete. Gledam porodične slike, rođendanske poklone, drage uspomene.

Poslije ovog obilaska zaključah sobu i odlučih vratiti se ostalima. Pomislih da je bilo zanimljivo ponovo pogledati sve. Prisjetiti se lijepih uspomena. Dana provedenih kod dede nane.



**Zulčić Tarik VIII-2**

**Dea Drljević III-1**

## Moj čarobni kutak

Prostorija u kojoj provodim najviše vremena, jeste moja soba. Imam dosta stvari po kojima se razlikuje od ostalih dječijih soba.

Moja soba je dovoljno velika za moje potrebe. Prozori su okrenuti prema istoku. Omogućavaju mi prekrasan pogled na izlazak sunca. Velika smeđa vrata uvode me

**Muhamed Huseinović**  
**VI-2**



u moj mali, tajni svijet. Gledam... Četiri bijela zida jedva da su se i vidjela od silnih postera poznatih ličnosti. Kada uđem u sobu, osjetim mir i sreću. Uvijek me dočeka tajanstvena tišina. Uredna je i puna mirisa. Urađena je s ljubavlju. Razgledam po sobi i ugledam malu, staru policu. Na njoj su igračke mog djetinjstva. Uvijek je to bio moja mali čarobni kutak za koji me veže bezbroj lijepih emocija. U mojoj sobi kao da svime vlada mali klavir. Volim svirati u slobodno vrijeme. To je nekada bio moj hobi. Još uvijek mi je u sjećanju moj trud i upornost da se družim s ovim instrumentom.

Koračam po čupavom ćilimu. I on krase moju sobu.

Polica sa školskim knjigama kao da me doziva da joj se pridružim ...Soba, moj mali raj, u kojem se osjećam najljepše i najslobodnije.

Velika vrata me izvedoše iz mog malog carstvo. Soba, mjesto odmora za moju dušu.

**Elma Bibić VIII-2**

### **Tajni skup**

Kad Štrbački buk vodu šalje  
Tu se ptice skupljaju dalje.  
Taj skup je tajan  
Al cvrkut ostavlja dojam sjajan.  
U tajnoj zemlji ptica  
Ptica veselica.  
Tajni skup tu se održava  
Jer to je ptičija država.  
Tu buja prijateljstvo  
Jer to je čarobno mjesto.  
U daljini gače vrana  
Hitno joj je potrebna hrana.  
Cvrkut ptica nestade  
Pusto mjesto ostade.



**Hanna Mujić I-2**

### **Muris Čerkez V-2**

#### **Jabučica**

Ja sam jabučica  
Veselog sam lica  
Oko mene djeca skaču.  
Kad mene ne dobiju,  
Ponekad plaču  
Veseli smo mi  
Uz jabuku sada svi.

**Stefan Jerković III-2**

#### **Bosna**

Bosna je moja druga majka  
O njoj ja i sanjam  
Sarajevo je moj grad bajan.  
Nikada iz mog srca Bosna neće  
otići,  
A oni što su otišli  
Vratit će se moleći.

**Armela Rešidović IV-2**

## Avanture u džungli

Jednoga dana su Deni, Arman, Benjamin i Vedad odlučili da idu u džunglu. Ukrcali su se u čamac i radosno veslali na svoje odredište. Istraživali su lavove, tigrove, zmije i druge opasne životinje.

### *Prvi dan*

Deni je ugledao tigra i radosno povikao: "Vidio sam tigra".

Benjamin je upitao: "Gdje si ga vidio? Gdje da ga nađemo?"

Deni: "Prema jugu, idemo prema jugu!"

Benjamin: "Eno ga! Deni, bio si u pravu. Slikajmo ga".

Uglas povikaše : "Dobro!" C,ccc

Prišli su mu jako blizu, gledali ga s oduševljenjem i uslikali ga da sliku pokažu drugovima. Nastavili su istraživati džunglu.

Arman: "Gle, zmija! Eno je na zapadu! Idemo za njom! Slikaj je!" C,ccc

Vedad : "Eno ga, lav! Slikaj ga Benjamine!"

Njihovom oduševljenju nije bilo kraja. Veselo su slikali, pjevušili i dozivali životinje.

Ali, i umorili su se. Deni je predložio da idu kući, da se odmire i naspavaju kako bi mogli nastaviti svoju avanturu. Svi su se složili i krenuli kući.

### *Drugi dan*

Avantura se nastavlja. Čamcem su stigli u džunglu i odmah su spazili slona. "Slon na sjeveru, slon na sjeveru!"- Povikao je Arman. "Slikajte!" C,ccc

Osjetili su da se nešto čudno dešava. Čamac je počeo da tone, nastala je panika. "Pazi, čamac je protopio !"

"Bježi na kopno" . Uzmi velike petarde!"

"Bik! Bježi!!!!" Napao je Armana. "Armane, stizemo da te spasimo!" "Pali petarde!"

Bum, bum, bummm. To je to. Bika su uplašili petardama i spasili svog druga.

### *Treći dan*

Trećeg dana svoje avanture odlučili su se da idu u mračnu šumu. Prolaz je bio pun skeleta različitih i već odavno izumrlih životinja. Neke od njih su i hodale, a na sebi su imale samo kožu. Morali su preći preko mosta, koji se klimao i po kojem su hodali vampiri I milile zmije. Bilo je toliko čudesno, a u isto vrijeme i strašno. Ali drugovi su bili hrabri i uživali su u istraživanju.

### *Četvrti dan*

Sada su već znali šta ih očekuje u mračnoj šumi i sa lakoćom su prošli kroz nju. Ali nisu mogli ni zamisliti šta ih sve čeka. Pogledali su jedan u drugoga, a Deni je upitao: “Dečki, jeste li sigurni u ovo?”

Odovorili su da u ovoj avanturi ništa nije sigurno, ali da ne odustaju. Tada su ih ugledali. Ne znamo kako da ih drugačije nazovemo nego, strašne životinje. Nikada nisu vidjeli nešto takvo. “Bježimoooooooo!” - Povikaše uglas.

Trčali su, lomili granje i preskakali kamenje. Najednom Arman reče: “Ugrizli su Vedada!”

Vratili su se da mu pomognu.

Pogledali su rane i utvrdili da su se inficirale.

Deni: “Kavez!”

“Šta je sa kavezom?”, upitaše.

Deni: “Stavimo ga u kavez, da i nas ne inficira”.

Pošli su da traže protuotrov da bi spasili prijatelja.....

Budite i dalje uz

nas....Nastavljamo i dalje s

avanturama i spašavanjem našeg prijatelja Vedada.



**Deni Đemidžić, III-1**

**Ruvić Suljo IX-1**

## Moja soba

Svoju sobu ne doživljam kao prostoriju u kojoj imam krevet, ormar i radni sto. To svaka soba ima, ali ja svoju sobu doživljam kao vlastito utočište.



**Nino Lagumdžija IX-2**

U njoj sam svoja. Osjećam se sigurno, opušteno. Imam mnogo uspomena u njoj. Velika bijela vrata sobe kao da vode u drugi neki svijet. Poslije napornog dana u školi, ona je spremna za mene da se tu opustim, slušam muziku, dopisujem se s prijateljima. Volim da legnem u udobni krevet. On je kao mekani oblak koji me vodi kroz svijet.

Uvijek nađem mir u njoj. Vesela, šarena i svijetla. Ormar je velik i bijele boje. Sto na kojem radim svoje domaće zadatke ima police. Tu caruju moje omiljene knjige. Iznad kreveta stoje police s mojim slikama. Gledam tu i male, plišane mede. Vraćaju me u rano

djetinjstvo.

Zavjese boje lavande daju posebnu svjetlost i svježinu. Kroz prozor se vidi šareni vrt sa cvijećem koje njeguje moja mama. Soba, to je kutak u kojem najviše provodim vremena.

**Lamija Kozić VIII-2**

### **Monolog vesele jabuke**

Ja sam jabuka rumena  
Vitaminima punjena  
Na visokom stablu visim  
Dok sazrijevam, malo kisim.  
Ptice na granama pjevaju  
Jer odmora svi trebaju.  
Radoznala djeca se vesele  
I nas jako, jako žele.

**Kovač Ensar III-2**



**Omar Tiro VII-1**



**Amela Fočo IV-1**

### **Jesen u voćnjaku**

Sve je bujno, zlatno  
Sjajem sunca obasjano.

Jesen kroz voćnjak tiho hoda  
I naše korpe pune zrelog ploda.

Jesenji miris se svuda širi  
Lišće šareno kroz grančice viri.

Ljeto žarko brzo nam prođe  
Jesen zlatna nam dođe, dođe...

**Alilović Semija VI-2**

## Zanimljivosti



Jeste li znali:

- 70% hitnih poziva za vatrogasce nisu zbog vatre.
- Rory Blackwell iz Ujedinjenog Kraljevstva može svirati 108 instrumenata u isto vrijeme.
- Najotrovnija životinja na svijetu je žaba iz Južne Amerike. Jedna žaba može ubiti 1500 ljudi.
- Kleopatra je iz Grčke.
- Ruski astronaut Musa Manarov bio je u svemiru 365 dana, 39 minuta i 47 sekundi.
- Abraham Linkon je sanjao svoju smrt.
- Najniža temperatura na Antartiku (i na svijetu) ikad zabilježena je -88.3 C.
- Kivi je iz Kine.

**Adna Babačić VI-2**



**Selma Šečić VII-1**



## HUMOR

### STOP!

Dva prijatelja se voze u autu:  
-Upomoć! Ne rade nam kočnice!  
-Ne brini, na kraju ulice ima znak  
STOP.

### NA ČASU GEOGRAFIJE

-Nastavnik na času geografije  
upita:  
-Djeco, šta bi bilo da Kolumbo  
nije pronašao Ameriku ?  
-Pa geografija bi bila manja!

### ZEC

-Šta zec nosi na leđima dok leti?  
-Sokola.

### U ŽALOSTI

Nastavnik geografije pokazuje  
na karti i pita:

-Zašto se ovo more zove Crno  
more?  
-Možda je u žalosti- odgovara  
Lejla.  
-Kako u žalosti? Za kim?  
-Pa možda, za Crnim morem.



### ASTRONAUT

-Koji je astronautov omiljeni  
slatkiš?  
-Čokoladica Mars.

### VUKOVI

-Idu dva vuka šumom. Jedan  
zavija drugi odvija.

### U KINU

Slon i miš otišli u kino. Slon  
sjedne ispred miša. Kad je film  
počeo, miš se nagine na jednu pa  
na drugu stranu, ali ništa ne vidi.  
Ustane miš ljutito i sjedne ispred  
slona pa mu kaže: "Sad vidiš kako  
je to kad ti sjedneš ispred  
nekoga."

### ZMIJE

-Idu dvije zmije šumom i pita  
jedna drugu:  
-Jesmo li mi otrovne zmije?  
-Ne  
-Oh hvala Bogu, ugrizla sam se za  
jezik.

**Sara Selimbegović VI-2**

# PRVAČÍCI



I-1



I-2